

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3566 del 09/12/2021

Traduzione in ladino

L president de la Provincia autonoma l'ha sotscrit la ordinanza sul Coronavirus

L president de la Provincia autonoma Maurizio Fugatti l'ha sotscrit l'ordinanza numer 83 en cont de la desposizioni per la prevenzion e la gestion de l'emergenza sanitera Covid-19. L test l dèsc desposizioni spezifiches de prevenzion per i impianc portamont, stabilian la modalitèdes de azess e la cantità de persones che pel su aldò de la sort de impiant (avert o serà).

Per la forenadoes de Trent-Sardagna e de Mezzocorona vegn metù en doura la desposizion en cont de trasport publich local ence per chel che vèrda la regoles de cotanta jent che pel ite.

Vegn spezificà dapò, aldò de la neva desposizioni nazioneles fates fora dal goern ti dis passé per l personal che laora tel ciamp de la defendura, segurezza e socors publich, chi che à l'oblig de se vazinèr: se trata ence di Studafech permanenc e del Servije forestal de la Provincia autonoma.

L'ordinanza la perveit de meter en esser aló da l'Azienda provinzièla per i servijes saniteres n register provinzièl de la strutures che fèsc test antigenics spedienc per dèr fora l zertificat vert Covid-19, abilitèdes a la comunicazion di ejic di test medemi tras l'aplicazion endrezèda da l'Azienda provinzièla per poder meter ite l'ejit tel sistem de notifica.

Vegn spezificà tinultima la definizion de atività de restorazion o de dèr fora bès e beandes a l'averta per poder meter en doura delvers la desposizioni del zertificat vert Covid-19 (Green pass).

Te l'enjonta l test de l'Ordinanza.

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)